

¡BOMBA!

La mina ya no es opción,
y menos con tanto hoyo;
pueden tratar desarrollo
con parque de diversión



K'uintsil

Lunes 25 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2549 · www.lajornadamaya.mx

Tumen nonoj ixi'im yanchaj EUe', jéets' u tojol u ko'onol waaj tu lu'umil México: Unión de Expendedores

/ p 24
Oochel Reuters



Tumen nonoj ixi'im jocha'ab tu lu'umil Estados Unidose', ku béeytal u jéets'el u tojol u ko'onol waaj México, beey tu ya'alaj Filadelfo Medellín Ayala, máax chíikbesik u múuch'kabil Unión de Expendedores de Tortilla. Ichil ba'ax tu tsolaje', tumen chan ya'ab ixi'im yaan ti' estadounidosil bodegase', ojéela'an ma' táan u xóot'ol u yantal.

Medellín Ayala tu ya'alaj u mola'ayil Masecae', jump'éeel ti'

le maas ya'ab u ts'áak u harinail ixi'im tu noj lu'umil Méxicoe', ku meyaj yéetel ku k'a'abéetkunsik ixi'im ku taasa'al Estados Unidos. "Ba'ax k-ojele', u bodegasil Chicagoe' chuuptak yanik tumen ma'alob úuchik u ts'áak te'el ja'aba', le beetike', ma' táan u yantal talamil ti'al u k'i'itbesa'ali'", tu ya'alaj.

Desde u winalil abrilé', u tojol waaje' tu béeyili' p'aatal: ichil 28 tak 30 pesos u kiloil. Beey túuno', jump'éeel u sakiyoil u harinail ixi'im ku ko'onol

tumen Masecae' láayli' xan 367 pesos u tojol, le beetik ma' kéexek u tojoli'.

Leti' xane' tu ya'alaje', tumen ixi'im ku k'a'abéetkunsal ti'al u beeta'al waaje', utsil jooch ku yantal Estados Unidose' ku beetik xan u jéets'el u tojol ba'ax ku ko'onol México, kex tumen ti'al le naats' k'iino'oba'.

Beyxan tu ya'alaje', kex tu béeyili' p'aatal u tojol ba'ax ku ko'onol beeta'an yéetel ixi'ime', yaan máaxo'ob konik waaje' táan xan u máansiko'ob talamil yóok'olal taak'in.

Jayp'éeel u kúuchilo'ob u ko'onol waaje' ts'o'ok u yéensik u tojol u koonolo'ob ti'al u yilko'ob wa ku ya'abtal u koniko'obi', ba'ale' le je'elo' ku beetik xan u p'iitchajal u náajalo'ob.

Beey túuno', kex tumen tu béeyilo' p'aatal u tojol u ko'onol waaj tu lu'umil Méxicoe', láayli' xan k'a'abéet uláak' áantajo'ob ti'al máaxo'ob meyajtik ti'al ma' u yantal u k'a'alal le mejen kúuchilo'ob tu'ux ku ko'onol waaj te'el noj lu'umila'.